

14 OCT 2000

MAGLIN, NADARAJAN DAN SUBRAYAN DIPILIH NAIB PRESIDEN PPP

KUALA LUMPUR, 14 Okt (Bernama) -- Ketua Parti Progresif Penduduk Malaysia (PPP) Bahagian Klang Maglin D D'Cruz, Pengerusi PPP Kedah V. Nadarajan dan penyandang S.Subrayan masing-masing dipilih sebagai naib presiden parti itu hari ini.

Maglin mendapat 570 undi, Nadarajan (543 undi) dan Subrayan mendapat 448 undi, dipilih daripada lapan calon yang bertanding pada perhimpunan agung ke-47 parti itu di sini.

Perhimpunan selama dua hari itu yang bermula hari ini dirasmikan oleh Perdana Menteri Datuk Seri Dr Mahathir Mohamad.

Dua penyandang jawatan naib presiden Low Pooi Chai dan A. Ayyathurai tewas pada pemilihan itu apabila masing-masing hanya mendapat 432 undi dan 297 undi.

Presiden parti Datuk M. Kayveas menang tanpa bertanding untuk penggal ke tiga berturut-turut.

Perhimpunan agung itu juga memilih 25 anggota Majlis Tertinggi parti.

-- BERNAMA

HS HS RHM